

URDHËR
Nr. 298, datë 19.8.2015

**PËR CAKTIMIN E DATËS SË FILLIMIT TË VITIT AKADEMIK 2015-2016 NË
INSTITUCIONET E ARSIMIT TË LARTË**

Në mbështetje të nenit 102 të Kushtetutës, të pikës 1 të nenit 32 të ligjit nr. 9741, datë 21.5.2007, “Për arsimin e lartë në Republikën e Shqipërisë”, të ndryshuar,

URDHËROJ:

1. Viti akademik 2015-2016 në institucionet e arsimit të lartë, të fillojë në datën 12 tetor 2015 dhe të përfundojë në datën 30 shtator 2016.
 2. Periudha 21 dhjetor 2015 deri në 3 janar 2016, të jetë periudhë pushimesh për studentët.
 3. Institucionet publike të arsimit të lartë, në përfundim të regjistrimit të kandidatëve fitues, të dërgojnë në të gjitha ndërmarrjet “Trajtimi i Studentëve” sh.a., listën e studentëve të regjistruar, sipas programeve të studimit dhe fakulteteve përkatëse.
 4. Ngarkohen për zbatimin e këtij urdhri Sekretari i Përgjithshëm, Drejtoria e Arsimit të Lartë dhe Shkencës, Agjencia Kombëtare e Provimeve, ndërmarrjet “Trajtimi i Studentëve” sh.a. dhe institucionet e arsimit të lartë.
- Ky udhëzim hyn në fuqi pas botimit në Fletoren Zyrtare.

MINISTRI I ARSIMIT DHE SPORTIT
Lindita Nikolla